



Stine Egedes nytårstale

Taler

Stine Egede
Borgmester i Kommune Kullejaq

Dato

1. januar 2025

1 Asasakka Kommune Kujallermi nunaqatikka

Tamassi ukiumi nutaami pilluangaaritsi.

5 Ukioq qaangiuttoq, ukiullu siulii qinigaaffimmi uani kommunalbestyrelsimi sulianik inherititaqarfiusut kingumut qiviarlugit nuannaarutissaqarlualunga ukioq aallartippara.

10 Tulluusimaarpunga meerartatta amerlanerpaat pitsaasumik siunissaannik qulakkeerinninniarluta periarfissaqartitsiniarlutalu inunnik isumaginninnermik annertuumik suliaqarsimagatta, aamma illoqarfittatsinni tamani ornittakkanik unnuiffigineqarsinnaasunik pilersitsisimanerput pillugu.

15 Matumami kingunerivaa meeqqat inuusuttullu inuuniarnerminni ikiorneqarnissamik pisariaqartitsisut amerlanerusut qanimut oqaloqatigineqarsinnaangornerat, ikiuiniarluni sulianik aallartitsinerit, aamma meeqqat peqqinnarnerusumik inuuneqalernerannik malitseqartut. Matumanilu suliassat amerlineranni assannik sullissisussanik amigaaateqaratta Naalakkersuinikkut suliaqartunut ikiortissarsiorsimanitsinni ikiorneqarluta 20 aallartinnerput qujamasuutigivara. Meeqqammi ilaqutaasullu sullinneqarnissaat pisariaqavippoq.

25 Iluarisimaarpara kommunitisinni innuttaasut sumiikkaluarunilluunniit eqaatsumik sullinneqarnissaat anguniarlugu allaffissornikkut allannguisimanitsinnut, aamma allaffissornermi pisortat Narsami Nanortalimmilu atorfinitsinneqarsimaneritut.

Ilami suliarpassuit naammassisagut pillugit tulluusimaarutissaqaqaagut, soorlu;

30

Mittarfissap aqqusernani asfalterisoqarnissaa qulakkeersimagipput.

Nuupilummi aqquserniornissaq pillugu pilersaarusiortoqarnissaanik qulakkeerinninnerput.

35

Akilerarummik procentimik ataatsimik appaanerput.

Nanortalimmi meeqqeriviliortitsinerput aamma allaffissuarmi nutarterititsinerput; inissianik nutarsaanerput, Ilaqutariinnut sullissiviup illutaarnera.

40

Illoqarfinni tamani qimarngueqalerneru, meeqqanut inuusuttunullu ornittagaqalerneru, aamma Qaqortumi angerlarsimaffeqaanngitsunut kialaarfimmik pilersitsinerput.

45

Suliat tamakku allarpassuarnik ilaqartut kommunalbestyrelsimi suleqatigiilluta anguagut. Suliassarpassuilli allat siunissami utaqqivaatigut, taakkulu tamatta akisussaaqatigiilluta suleqatigiiffigiumaarigut neriuppunga.

50

Inuussutissarsiutit periarfissallu kommuniat

Ukiuni makkunanni kujataa periarfissat kommuniattut ilisaritissallugu tulluurtuuvoq. Aappaagumi Qaqortumi mittarfissaq pilersaarutit malillugit atuutilertussaavoq.

55

Tamanna inuussutissarsiutinik ingerlataqartunut sunniuteqarluartussaavoq, inuussutissarsiutinillu nutaanik pilersitsinissamut aamma periarfissatsialaalluni.

60

Tamatuma saniatigit aatsitassarsiorfiit neriunaateqarluartut pingasut tassa Nalunaq, Killavaat alannguanni aatsitassat qaqutigoortut aamma Amitsumi aqerluusassaqarfik suliffippasuarnik nassaqataqartussaapput.

65

Matumanilu suliffissat 500-t missaanniittut amerlanerpaat kommunitinneersunik inuttalersorneqarnissaat kissaatiginaqaaq. Tamanna anguniarlugu ukiumi qaangiuttumi suliffeqarfiit innuttaasullu aatsitassarsiorfinni suleqataasinnaanannut piareersarnissaannik

70 periarfissikkusullugit Aatsitassarsiorneq pillugu saqqummersitsivugut.

Aningaasaqarneq

75

Mittarfittaarnissap aatsitassarsiorfillu ingerlalluartut kommunitisinni aningaasatigut kaaviiartitsilluarnissaat neriuuteqarfigilluarpara. Kommunitisinnimi annertunerusumik ineriartortitseqqinnissamut aningaasanik kaaviiartitsinerunissatsinnik pisariaqartippagut.

80

Qinigaaffik una aallartimmat aningaasanik aqutsineq pitsaanngimmat 2021-mi aallartiinnaavilluta sukangasuumik aningaasanik aqutsinissaq siunniussimavarput.

85

Aningaasaqarnermut systemi atulersimasarput aallaavigalu sulisut kommunalbestyrelsimilu ilaasortaasugut tamatta arajutsisatsinik aningaasaqarnikkut pitsaanngitsumik inissisimalersimanerput 2024-mi upernaakkut paasivarput.

90

Qanittumilu kommunalbestyrelsi ilisimatinneqarpoq Namminersorlutik Oqartussat kommunip aningaasaqarnera aarleqqutigalugu 2020-mi saaffiginnissuteqarsimasoq. Taamani qinikkat ilisimatinneqarsimannginnerat kommunalbestyrelsimit assorsuaq uggorineqarpoq. Taamaaliortoqarsimasuugaluarpammi massakkut kommunalbestyrelsiusoq
95 allatut ittumik tulleriaarinissamut pitsaanerusumik periarfissaqarsimassagaluarpoq.

Aningaasartuutit isumaginninnermut, utoqqarnut, innarluutilinnut meeqqanillu inissiinnermut atukkat kiisalu sulisunut inissianik pisineq,
100 aningaasaqarnitsinnik artukkiisimapput, taamaattumik kommunip tigoriaannagassanik atugassaasa 100 mio. koruuninik ilaneqarnissaannik qinnuteqarsimavugut.

Akileraarutitut Namminersorlutik Oqartussanut akiitsorineqalersimasut
105 akilersorsinnaajumallugit ileqqaarnissamut pilersaarummik ukiunut tulliuttunut arfinilinnut atuuttussamik kommunalbestyrelsi akuersissuteqarpoq. Taamaamat kommunip ingerlatsinnermut

110 aningaasartuutai apparsarneqassapput, matumanilu sutigut tamatigut
sukaterisariaqarpugut.

2025-mut missingersuutit kommunalbestyrelsimit akuersissutigineqartut
ilumut ileqqaartoqarsinnaanerani takussutissiipput.

115 Inuiaqatigiit akornatsinni amerlavallaat ataasinngornermi napparsimasarput
imaluunniit akissarsiffiup aqaguani napparsimasarlutik. Ingerlaaseq taama ittoq
qimattariaqarpugut, taamami ingerlaannarnissamut akissaqanngilagut.
Akissarsiatigut aningaasartuutini qanoq apparsaassanerluta misissuissaagut,
kiisalu angalanernut pisiniartarnernullu ileqqaartariaqarluta.

120

Utoqqaat illuini, paaqqinnittarfinni, atuarfinni kiisalu isumaginninnermut
tunngasuni suliassat inatsisitigut piumasaqaataasut isumagissavavut,
meeqqanillu angerlarsimaffiup avataanut inissiinernik pinaveersaartitsissamut
pikkorinnerulertariaqarluta.

125

Atuarfiit paaqqinnittarfillu

130 Atuarfeqarneq eqqarsaatigalugu kommunitisinni tulluusimaarutissaraarput
alimmasissumik atuartisarneq siuttuuffigalugu ingerlakkatigu.

135 Nunaqarfiit ilaat, savaateqarfinnilu angerlarsimallutik atuartinneqartartut,
alimmasissumik atuartinneqartartut ilagaat. Alimmasissumikatuartisarnerup
saniatigut ilinniartitsisumik angalasartumik peqarpugut, matumani ilaatigut
timelærerit qanimut suleqatigalugit atuartitsinissamut aqutissiuussiffiusumik.

140 Siusissukkut iliuseqarneq Kommune Kujallermit pingaartinneqarpoq,
maannalu meeqqerivimmiit atuarfimmuut ikaarsaarnermut aalajangersimasumik
ilaalersimalluni.

145 Atuarfik pillugu periusissiaq Kommunalbestyrelsimit akuersissutigineqarpoq,
tassanilu angajoqqaat, ilinniartitsisut kiisalu innuttaasut suliamut
peqataatinneqarsimapput. Meeqqat ilikkariartornerat, ineriartornerat kiisalu
pitsaasumik attaveqatigiinnerat periusissiami pingaarnarpaanut ilaatinneqarput,
soorlutaaq ilinniartitsisut piginnaanerisa ineriartortinneqarnissaat

aqutsisugissaarnissarlu pingaartinneqarsimasut. Atuarfik inuiaqatigiit
toqqammavigaat sulillu nukittorsarlugulu sammisariaqarparput.

150

155 **Inunnik Isumaginnittoqarfik**

Kommunitsinni isumaginninnikkut ajornartorsiutit qinigaaffiup ingerlanerani
sallersaatillugit ukkatarivagut, sulilluartoqarneranilu ikiorneqarnissamik
160 pisariaqartitsisut nammineerlutik saaffiginnittut amerlipput.

Kisianni nassuerutigisariaqarsimavarput isumaginninnermi siunnersortinik
ilinniarsimasunik amigaateqarnerup qanoq annertutigisumik kinguneqarnera,
ilaatigut nammineq sulisutsinnut, aamma innuttaasunut ikiorneqarnissaminnik
165 annerpaamik pisariaqartitsisunut. Inatsisit Inatsisartunit atulersinneqarsimasut
malissallugit kommunitut pisussaavugut. Taamaammat kommunitsinni
meeqqanut, inuusuttuaqqanut kiisalu innarluutilinnut suliassarpasuit
isumagisinnaajumallugit Naalakkersuisunut ikiortissarsiorpugut.
Suliassa qarfinni taakkunani sulianik ingerlatsinnermi ukiuni kingullerni
170 pitsanngorsaataasimasut annaajumanngilavut annaasariaqarnagillu.
Neriuppunga oqilisaanneqarnitsigut suliassat inatsisit malillugit suliassaasut
suliariinnarnagit kommuninik allanik peqateqarluta aaqqiissutissanik
ataavartunik nassaarsinnaassasugut. Meerartavut inuusuttuarartavullu kiisalu
innarluutillit ataavartumik sullinneqartariaqarput, sapinngisatsinnillu inatsisit
175 eqqortinniartariaqarpavut.

Naalakkersuisunik suleqateqarfigisarput alla tassaavoq meeqqat
angerlarsimaffiup avataanut inissinneqartartut ikinnerpaamiitsinniarlugit
suliniut. Ilaqutariit amerlanerusut annerusumik tapersersorneqarnerannik
180 tamanna kinguneqassaaq, suliarlu tamanna aallartilluareerpoq.

Ukiuni arlalinni kujataa akitsuuserisoqarsimanngilaq, tamannalu
pisariaqavimmat arlaleriarlunga Naalakkersuinikkut suliaqartunut
oqariartuutigisareerlugu nuannaarutivara kujataani peqalnera,
185 neriulluarfigaaralu ikiaroorartumik atuinerujussuarmut annikillisaataalluni

sunniuteqarluarumaartoq.

190 Inunnik isumaginninnermut atatillugu eqqaanngitsoorusunngilara
Folketingimi aningaasanut inatsisissamut Nunanut Avannarlernut
aningsaliissutit inissinneqarneranni aningaasat katillugit 2,3 mio. kronit
Kommune Kujallermi meeqqanut aamma inunnut innarluutilinnut
atorneqartussanngorlugit aningsaliissutigineqarnerat. Aningsaliissutaasut
195 taakku meeqqanut pinnguarterfilersuinernut, innarluutilinnullu pisortat
illuutaanut iseruminarsaanernut ilaatigut atorneqarsinnaasut qujamasunnaqaat.

Kulturi, sunngiffik pinaveersaartitsinerlu

200 Peqqinnermut aqqutit ilagaat timersortunut imaluunniit sunngiffimmi
sammisaqartunut peqataaneq.

205 Ukiumi qaangiuttumi kommune timersoqatigiiffinnut
aningsaliissuteqarluarpoq. Meeqqat akornanni susoqalenera malunnarpoq
illoqarfinnilu tamani timersornerup annertunerulersimanera takussutissaavoq.

Timersoqatigiit Kattuffiat suleqatigalugu Aalasp ineriartortinneqarnissaa
pilersaaruserneqarpoq.

210 Matumanilu kommunalbestyrelsi timersornermut aningsaliissutaareersut
saniatigut 2025-miit 2027 ilanngullugu Timersoqatigiit Kattuffianik
suleqateqarnermi ukiut tamaasa 300.000 kronenik aningsaliissuteqartassaaq.

215 Aningsaleeqqinnerit atuarfimmi timi atorlugu atuartitsisarnernut aamma
kommunitsinni kajumissutsimik suliaqartartunut nukittorsaaniarnernut
aningsaliinerupput.

220 Periarfissaq manna atorlugu namminneq kajumissutsiminnik inuiaqatigiinnut
tamanut pingaarutilimmik suliaqartusi tamassi qutsavigerusuppassi, ilumut
atorfissaqartippassi!

Takornariaqarneq aamma inuussutissarsiutit

Namminermit kajumissutiminnik suliaqartut namminersorlutillu inuussutissarsiuteqartut kommunitisinni atorfissaqarteqaagut.

230

Ukioq qaangiuttoq sikorsuaqaraluaqisugut inuussutissarsiortut ulapissimapput. Takornariutinut ilaasut akiliutaannik kommune kiisami pissarsivoq. Akiliutinit isertitat 4,3 mio. koruuniupput, taakkulu perusuersartarfinnut talittarfinnullu pitsaanagerusunut atorneqassapput, Kujataa takornarianut suli orniginarneruleqqullugu.

235

Narsarsuarmi sissiuq iluarsartuunneqartussanngorpoq, qulimiguulinnillu mittarfinngornissaanut immikkuullarissumik takornariaqarfinngornisaanut ilusilersuinissaq periarfissaavoq angisooq. Pinngortitarmi kusanartoq, eqqaamiuminillu takornariaqarnikkut inerisaaffiulluarsinnaasoq, takornariaqarnermik suliaqartunik arlalinnik suleqatigiiffiulluarsinnaavoq.

240

Kommunerput periarfissalerujussuavoq, nassaariniagassarpullu tassaavoq inuussutissarsiutinik ineriartortitsineq najugaqartunut annerpaamik iluaqutaasoq.

245

Nanortalimmi suliffeqarfinnik naapitsisarninni isumalluarneq malugisarpara, pingaartumik takornariartitsinermit aatsitassarsiornermilu. Najukkami ineriartortitsinissamut allisaanissamullu piumassuseq nukittoqaaq.

250

Nuannaarutigaaralu Kujataani inuussutissarsiortut peqatigiiffeqalersimammata Narsamiit Qaqortumiillu peqataaffigineqartumik.

Angusaqarfiusunik ataatsimiinnerit ingerlattareerpavut, peqatigiiffiullu

oqaloqatiginerani siunnersuutit pitsaasut saqqummersut

255

sulissutigeqqinnissaannut qilanaarpunga. Inuussutissarsiortut

suleqatigiinnerminnik pitsaasumik nangitseqqullugit kajumissaarumavakka,

suliffeqarfillu tamaasa ukiumik angusaqarfiulluartumik kissaappakka.

Qaqortumi mittarfik 2026-mi ammassaaq. Kommunimut pilersaarummut

260

ilassutit ineriartornissamut periarfissanik aalajangiisut qassiit,

inuussutissarsiortunut aamma atuuttut Kommunalbestyrelsimit

akuersissutigineqarsimapput. Nutaamik mittarfeqalernikkut tikittartut

amerlanerulissapput Kujataanilu tamarmi periarfissat nutaat

265 ammaanpeqassallutik. Narsamut aqcut qaninneruleqqullugu Naalakkersuisut peqatigalugit mittarfimmiit Nuupilummut aqquserngup pilersarusiornissaa sammineqalerpoq aningaasanillu ujarliunneqalerluni. Mittarfiup innuttaasunut iluaqutaalernissaa qilanaaraara.

270 Nanortallip qanittuani marsimi umimmaat misissorneqarnissaannik suliaqarsinnaagatta nuannaarutigaarput. Misissuinerup takutippaa umimmaat 150-it missaanniittut, taamaasilluni 2014-imi umimmannik nuussisoqarmalli aatsaat pisaqartoqarsinnaalerpoq. Naalakkersuisut umimmannik pingasunik pisassiipput. Neriututigaarput ukiut tamaasa amerlanerusunik
275 pisassiisoqartalerumaartoq. Tamatuma tungaanut umimmaat nakkutigilluarneqassapput piujuartitsinermillu siunertalimmik pisaqartoqartarnissaa qulakkeerneqassalluni.

Upernaaq aasarlu immikkuullarissimapput. Sikorsuit juulip qiteqqunneraniit
280 nikissaarput, taamaasillutik aalisarnermik inuuniuteqartut annertuumik eqqugaapput kiisalu umiarsuit takornariartaatit 30-t sinnerlugit tikinnissaralui taamatinneqarlutik.

Tamanna ilaqutariinnut amerlasuunut eqquinerluppoq. Silaannaap
285 kissatsikkiartornerata nassatarisaanik pinngortitap allanngorarnerani pisoq siunissami imaaratarsinnaavoq sillimmartaarfigisariaqagassaq, soorlu ukiormanna uumasuutilit ivigartarnerlorujussuarput aammalu siornaak upernaakkut qiianarnerujussuata ukiukkullu aperujussuarnerata kinguneri aamma malugigaat. Pissutsit taamaattut siunissami politikkikkut
290 eqqumaffigisassaraagut.

Innovation South Greenlandip pitsaanerusumik suleqatigisimaneranut qujarusuppunga. ISG kujataani inerisaanissamut akisussaaffimmik annertuumik tigusivoq. Kujataa tassaassaaq pisariitsumik
295 aallarnisaaffiusinnaasoq. Sulisussanik tikisitsinissamut ajornaannerusoq. Takornarianit ornigineqartoq. Taavalu inuussutissarsiortut akimorlugit aaqqiissutissanik nutaanik eqqarsarfusoq.

Aappaagu Qaqortoq 250-iliissaaq. Qaqortup tunngavilerneqarnera
300 nalliussissavarput suleqatigiissitat pilersinneqartut suleqatigalugit sammisassanik assigiinngitsunik kommunalbestyrelsimit aalajangiunneqarsimasunik sammisaqassalluta. Neriuppunga namminneq

305 kajumissutsiminnik sulerusussusillit piumasullu apriiip arfineq-aappaanni
ullup nalliussinerinnaanngitsoq ukiulli sinnerani nalliussinissamut aamma
sammisaqartitsisarnissamut kajumissuseqarumaartut.

310

Inuiaqatigiittut kivitseqatigiitta

315 2025 qinersiviusussaavoq, kommunalbestyrelsimut aprilimi marlungornermi
siullermi, tassa apriiip aallaqqaataani qinersisoqassaaq. Qineqqusaarneq
aallartingajalerpoq, neriungaarpungalu pissusissamisoortumik politikkilu
qitiutillugu qineqqusaartoqassasoq, kiisalu kommunitsinnut
ineriartuutaasussamik suliniuteqartoqarumaartoq.

320 Qinigaasussat nutaat kommunitsinni suliassat nangillugit sulissapput,
inuiaqataasutulli tamatta suleqataa- sariaqarpugut.

325 Illit innuttaasoq, Kommunip suliassaminut malinnaasinnaalernissaanut
annertunerusumillu ineriartortitseqqinnissamut pitsaanerpaamik
peqataasinnaavutit peqqillutit inuuguit, peqqinnartunik nerisaqarlutit,
aangajaarniutinillu atuinak inuuguit.

330 Matumani angajoqqaajusugut kinguaatta peqqissumik inuuneqarnissaanut
aqqutissiuussilluta maligassiuinissamut siuttuusariaqarpugut,
minnerunngitsumillu meeqqagut pisortanik isumalluuteqarnatik
inuuneqarnissaannik maligassiorlugit perorsaanitsigut.

335 Qinersivimmi uani kommunalbestyrelsimi ilaasortat, allallu sulinitinnut
atatillugu naapittarsimasagut, minnerunngitsumillu kommunitsinni assakaasut
ingerlanissaannut sulisorisagut sulilluartut, suleqatigiilluarsimanerput pillugu
qamanngavik qutsavigingaarpassi, qujanaq.

Tamassi ukiortaami pilluaqqigitsi, ukiumilu matumani angusaqarluarisi.

Kilde

340 Manuskript taget fra www.kujalleq.gl med tilladelse fra udgiver.

Kildetype
Digitalt manuskript

345 **Tags**
Nytårstale

URI
<https://www.dansketaler.dk/tale/stine-egedes-nytarstale>

350

355

360

365

370

375

380